

PROCESVERBAL- Tipi i kontratës - Shërbime

PËR ARGUMENTIMIN DHE MIRATIMIN E SPECIFIKIMEVE TEKNIKE DHE KRITEREVE PËR KUALIFIKIM

OBJEKTI I PROCEDURËS: “Shërbim rezervë (Back up) për sigurimin e vazhdimësisë së trajtimit të mbetjeve spitalore me rrezik biologjik në pamundësi të përkohshme të “OSHS” sha”.

KODI PËRKATËS NË FJALORIN E PËRBASHKËT TË PROKURIMIT (CPV): 90524400-0
Mbledhja, transporti dhe asgjësimi i mbetjeve spitalore.

FONDI LIMIT I PROCEDURËS: 272,160,000 (dyqind e shtatëdhjetë e dy milion e njëqind e gjashtëdhjetë mijë) lekë pa TVSH dhe 2,886,108.2 (dy milion e tetëqind e tetëdhjetë e gjashtë mijë e njëqind e tetë pikë dy) euro pa TVSH.

Vlerat ne Euro në këto dokumenta tenderi janë konvertuar sipas kursit zyrtar të këmbimit të Bankës së Shqipërisë, datë 22.06.2026, me kurs këmbimi 94.3.

Në bazë të nenit 21, pika 2, të Ligjit Nr.162/2020 “Për Prokurimin Publik”, të ndryshuar, nenit 2, pika 2/c dhe nenit 78, pika 2, të Vendimit Nr. 285, datë 19.05.2021, të Këshillit të Ministrave “Për miratimin e rregullave të prokurimit publik”, të ndryshuar, Autoriteti Kontraktor “Operatori i Shërbimeve të Integruara të Sterilizimit” sh.a., ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar.

2. KRITERET E VEÇANTA TË KUALIFIKIMIT

1. Ofertuesi duhet të paraqesë:

a. *Formularin Përmbledhës të Vetëdeklarimit, sipas Shtojcës 10.*

b. *Sigurimin e Ofertës, sipas Shtojcës 3;*

Argumentimi: *Kriteret e mësipërme janë vendosur në përputhje me Nenin 82 “Formulari përmbledhës i vetëdeklarimit” dhe Neni 83 “Sigurimi i ofertës”, të Ligjit Nr. 162/2020 “Për Prokurimin Publik” i ndryshuar si dhe në mbështetje të nenit 26 “Formulari përmbledhës i vetëdeklarimit”, nenit 30 “Sigurimi i ofertës”, pika 1, të Vendimit Nr. 285, datë 19.5.2021, të Këshillit të Ministrave “Për Miratimin e Rregullave të Prokurimit Publik”, i ndryshuar, në të cilat parashikohet se:*

Neni 82, i LPP-së, pika 1: Bashkë me dorëzimin e kërkesave për pjesëmarrje ose të ofertave, autoritetet ose entet kontraktore pranojnë si provë paraprake në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas parashikimeve të këtij ligji. Përmbajtja e këtij formulari përcaktohet në rregullat e prokurimit publik”.

Neni 83 i LPP-së: “Autoriteti kontraktor duhet të kërkojë paraqitjen e sigurimit të ofertës nga ofertuesit në të gjitha llojet e procedurave të prokurimit, me përjashtim të procedurave të prokurimit me vlerë të vogël”.

2. Ofertuesi duhet të paraqesë:

2.1 Kapacitetin profesional të operatorëve ekonomikë:

2.1.1 Operatori Ekonomik duhet të disponojë dhe të paraqesë:

1.a Leje mjedisore të tipit A (me kod III.1.C) ose të tipit B (me kod III.1.B) së bashku me Akt Miratimin përkatës;

1.b Licensën përkatëse të kategorisë III.2.B (*Për trajtimin e mbetjeve të rrezikshme Spitalore*)

që të përfshijnë kodet e mbetjeve të rrezikshme me Kod : 18 01 03 - Mbetjet, grumbullimi dhe asgjësimi i të cilave kërkon trajtim të veçantë për të parandaluar infeksionet.

Argumentimi: Kërkesat e mësipërme bazohen në nenin 77, pika 1/a dhe 2, të LPP, nenit 41, pika 4/a, të VKM nr.285, datë 19.05.2021 "Për miratimin e rregullave të prokurimit publik", i ndryshuar si dhe në mbështetje të pikës 5 "Menaxhimi i Mbetjeve" të Shtojcës 1 "Lejet e mjedisit të tipave A, B dhe C në varësi të kapacitetit prodhues kufti", të Ligjit Nr. 10448, date 14.07.2011 "Per lejet e mjedisit", i ndryshuar, Ligjit Nr.10431 date 09.06.2011 "Per mbrojtjen e mjedisit" i ndryshuar, VKM Nr.232 datë 01.04.2026 Për Miratimin e kërkesave, procedurave dhe standardeve për Menaxhimin e Mbetjeve Spitalore", VKM Nr. 402, datë 30.06.2021, "Për miratimin e katalogut të mbetjeve" i ndryshuar, Udhëzuesi Kombëtar "Për Menaxhimin e Mbetjeve të Rrezikshme Spitalore" dhe sipas përcaktimeve të bëra në Udhëzuesin Kombëtar "Administrimi i sigurt i Mbetjeve Spitalore", Ligjit Nr.10081, date 23.02.2009 "Për licensat, autorizimet dhe lejet në Republikën e Shqipërisë" i ndryshuar, Ligjit Nr.57/2025 "Për menaxhimin e integruar të mbetjeve", dhe VKM Nr.538 date 26.05.2009 "Për licensat dhe lejet, që trajtohen nga/apo nëpërmjet QKB dhe disa rregullime të tjera nënligjore të përbashkëta" e ndryshuar.

*Këto kritere janë vendosur në funksion të garantimit të përmbushjes së detyrimeve ligjore dhe teknike për menaxhimin e mbetjeve spitalore të rrezikshme, objekt i kontratës. Mbetjet me kod **18 01 03** – "Mbetjet, grumbullimi dhe asgjësimi i të cilave kërkon trajtim të veçantë për të parandaluar infeksionet", klasifikohen si mbetje spitalore të rrezikshme me potencial infektiv. Për shkak të rrezikut që paraqesin për shëndetin e personelit, pacientëve, komunitetit dhe mjedisit, trajtimi i tyre mund të kryhet vetëm nga operatorë të autorizuar dhe të pajisur me lejet dhe licencat përkatëse.*

Kërkesa për disponimin e Lejes Mjedisore të Tipit A ose B dhe Licencës III.2.B garanton që operatori ekonomik: ushtron aktivitetin në përputhje me legjislacionin mjedisor në fuqi; disponon infrastrukturën dhe teknologjinë e miratuar për trajtimin e mbetjeve spitalore të rrezikshme (përveç incenerimit ose me teknologji ekuivalente sipas specifikimeve teknike); ka kapacitetet teknike dhe organizative për menaxhimin, trajtimin dhe asgjësimin e sigurt të mbetjeve me kod 18 01 03 dhe që siguron gjurmueshmërinë dhe kontrollin e procesit të trajtimit në përputhje me standardet mjedisore dhe të shëndetit publik.

Këto kërkesa janë proporcionale, të lidhura ngushtë me objektin e prokurimit dhe të domosdoshme për të garantuar realizimin e kontratës sipas kërkesave ligjore, teknike dhe mjedisore në fuqi.

2.1.2 Operatori ekonomik duhet të paraqesë Akt Miratimin Higjieno –Sanitar respektiv për objektet ku ushtron aktivitetin e trajtimit të mbetjeve spitalore, të lëshuar nga Inspektorati Shëndetësor Shtetëror.

Argumentimi: Ky kriter është vendosur në përputhje me kërkesat e legjislacionit në fuqi që rregullon ushtrimin e veprimtarive të trajtimit të mbetjeve spitalore të rrezikshme dhe synon të garantojë që operatori ekonomik disponon kushtet higjieno-sanitare të nevojshme për zhvillimin e kësaj veprimtarie, konkretisht në nenin 10 të Ligjit Nr. 7643, datë 12.12.1992, "Për Inspektimin Sanitar",

i ndryshuar, si dhe në nenin 10 “Leja Mjedisore dhe Akt Miratimi Higjiëno-Sanitar” dhe nenin 11, pika 1, të VKM Nr. 232, datë 01.04.2026, sipas të cilave subjektet që kryejnë veprimtari të grumbullimit, transportit, trajtimit dhe asgjësimit të mbetjeve spitalore duhet të pajisen me aktmiratim higjiëno-sanitar në përputhje me kërkesat ligjore në fuqi.

Kërkesa për paraqitjen e Akt Miratimit Higjiëno-Sanitar, të lëshuar nga Inspektorati Shëndetësor Shtetëror për objektet ku ushtrohet aktiviteti i trajtimit të mbetjeve spitalore, është e nevojshme për të vërtetuar se ambientet, instalimet, pajisjet dhe proceset e përdorura nga operatori ekonomik janë inspektuar dhe janë vlerësuar në përputhje me standardet higjiëno-sanitare dhe kërkesat e mbrojtjes së shëndetit publik. Objekti i kontratës lidhet me trajtimin e mbetjeve spitalore të rrezikshme me potencial infektiv dhe autoriteti kontraktor e konsideron këtë dokument si një provë thelbësore të kapacitetit ligjor dhe teknik të operatorit ekonomik për të kryer shërbimin në mënyrë të sigurt, duke minimizuar rrezikun për shëndetin e personelit, pacientëve, komunitetit dhe mjedisit.

Ky kriter është në përputhje të drejtë me natyrën dhe rrezikshmërinë e objektit të prokurimit, i lidhur drejtpërdrejt me realizimin e kontratës dhe i domosdoshëm për garantimin e respektimit të standardeve ligjore, sanitare dhe mjedisore gjatë zbatimit të saj.

2.1.3 Operatori ekonomik duhet të paraqesë:

- a. Vërtetim që operatori ka kryer tarifën vjetore të Lejes Mjedisore, pranë Agjencisë Kombëtare të Mjedisit;
- b. Vërtetim që operatori nuk ka masë administrative në fuqi nga strukturat inspektuese të Agjencisë Kombëtare të Mjedisit.

Argumentimi: *Këto kritere janë vendosur në bazë të nenit 41, pika 6, të VKM nr.285, datë 19.05.2021 “Për miratimin e Rregullave të Prokurimit Publik”, i ndryshuar, i cili lejon Autoritetin/entin kontraktor, që përveç kërkesave të parashikuara në këtë nen, mund të përcaktojë kritere të tjera të veçanta, në varësi të objektit që prokurohet, të cilat i vlerëson të nevojshme për ekzekutimin me sukses të kontratës. Gjithashtu këto kritere janë vendosur në zbatim të Ligjit Nr.99/2024 “Per Inspektimin ne Republikën e Shqipërisë”, Ligjit “Për Lejet e Mjedisit” Nr.10448 date 14.07.2011 (i ndryshuar), Ligjit Nr.57/2025 “Për menaxhimin e integruar të mbetjeve”, i dhe VKM nr. 417, date 25.06.2014, “Për Miratimin e Tarifave të lejeve të Mjedisit” (i ndryshuar).*

Objekti i prokurimit lidhet me trajtimin e mbetjeve spitalore të rrezikshme, të gjeneruara nga shërbimi i integruar i sterilizimit dhe autoriteti kontraktor duhet të sigurohet që operatori ekonomik ushtron veprimtarinë në përputhje të plotë me kërkesat ligjore dhe mjedisore në fuqi. Vërtetimi i pagesës së tarifës vjetore të lejes mjedisore dëshmon vlefshmërinë dhe mirëmbajtjen e statusit ligjor të lejes së operatorit, ndërsa vërtetimi për mungesën e masave administrative në fuqi shërben si garanci se operatori nuk është konstatuar nga organet kompetente në shkelje të detyrimeve ligjore që lidhen me ushtrimin e aktivitetit të tij.

Këto dokumente i japin Autoritetit Kontraktor siguri të arsyeshme se operatori ekonomik vepron në përputhje me kërkesat ligjore, mjedisore dhe inspektuese që rregullojnë trajtimin e mbetjeve të rrezikshme spitalore dhe disponon besueshmërinë e nevojshme për realizimin e kontratës. Kriteri i vendosur është proporcional me objektin e prokurimit, lidhet drejtpërdrejt me aftësinë e operatorit për të përmbushur kontratën dhe është i nevojshëm për mbrojtjen e interesit publik, shëndetit publik dhe mjedisit.

2.2 Kapaciteti ekonomik dhe financiar:

2.2.1 Për të provuar kapacitetet financiare dhe ekonomike, operatorët ekonomikë duhet të paraqesin vërtetim për xhiros vjetore të 3 (tre) viteve të fundit financiare (2023-2024-2025), ku vlera e xhiros për të paktën një nga vitet e periudhës së kërkuar duhet të jetë jo më e vogël se vlera e përlllogaritur e marreveshjes kuader.

Kërkesa e mësipërme konsiderohet e përmbushur nëse operatorët ekonomike arrijnë vlerën e xhiros minimale, në të paktën një vit të periudhës së kërkuar.

Argumentimi: *Kërkesa e mësipërme është bazuar në nenin 77 “Kërkesat për kualifikim”, pika 3, të ligjit nr. 162, datë 23.12.2020 “Për prokurimin publik” të ndryshuar; nenin Neni 41 “Kërkesa të veçanta për kontratat e shërbimeve”, pikën 2 të nenit 43 “Kërkesat për kapacitetet ekonomiko-financiare”, të Vendimit Nr. 285, datë 19.5.2021, të Këshillit të Ministrave “Për miratimin e rregullave të prokurimit publik” të ndryshuar, ku përcaktohet se: “Kërkesat e veçanta të kualifikimit duhet të përfshijnë të gjitha kriteret specifike, në përputhje me nenin 77 të LPP-së. Kriteret duhet të jenë në përpjesëtim dhe të lidhura ngushtë me aftësinë zbatuese, natyrën dhe vlerën e kontratës. Në çdo rast, autoriteti/enti kontraktor duhet të përcaktojë dokumentet konkrete që duhet të paraqesin operatorët ekonomikë për përmbushjen e këtyre kriterëve”... “Autoriteti/enti kontraktor, për të provuar kapacitetet financiare dhe ekonomike, kërkon kopje të deklaratave të xhiros vjetore të realizuar nga operatori ekonomik, për një periudhë maksimumi deri në 3 (tre) vitet e fundit financiare”, si dhe Rekomandimit të APP-së nr. 7998, date 24.12.2021.*

Përcaktimi i viteve të kërkuara për paraqitjen e vërtetimit të xhiros vjetore është bërë bazuar në pikën 2 të nenit 61, të Ligjit Nr. 29/2023 “Për tatimin mbi të ardhurat”, të ndryshuar ku përcaktohet se: “ Deklarata tatimore vjetore dorëzohet në organin tatimor jo më vonë se data 31 mars e vitit pasardhës të vitit tatimor për të cilin dorëzohet deklarata”. Vendosja e këtij kriteri bëhet me qëllim krijim e bindjes tek Autoriteti Kontraktor, për aftësinë ekonomike dhe financiare të operatorëve ekonomik ofertues, duke vërtetuar nëpërmjet dokumenteve të kërkuara, se zotërojnë kapacitet ekonomike dhe financiare për të përmbushur kontratën sic është parashikuar nga Autoriteti Kontraktor.

Vlera e kërkuar është brenda kufijve të vendosur në dispozitat më sipër, është vendosur me qëllim sigurimin e konkurrencës dhe pjesëmarrjes së operatorëve ekonomikë në këtë procedurë prokurimi, si dhe AK të sigurohet për potencialin ekonomiko-financiar të OE ofertues, që lidhet drejtëpërdrejtë me qëndrueshmërinë dhe vijimësinë e veprimtarisë së operatorëve ekonomikë në treg, si një element i rëndësishëm në realizimin e objektit të prokurimit dhe përmbushjes së detyrimeve kontraktore.

2.3 Kapaciteti teknik:

2.3.1 Operatori ekonomik duhet të paraqesë dëshmi për shërbimet e mëparshme të ngjashme, të kryera gjatë tre viteve të fundit nga data e shpalljes së njoftimit të kontratës, në një vlerë jo më të vogël se 40 % të vlerës së vlerës së përlllogaritur të marrëveshjes.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- a) për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës, ose faturave tatimore të shitjes, të plotësuara sipas

kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe shërbimet e realizuara.

- b) për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe shërbimet e realizuara.

Argumentimi: Kërkesa e mësipërme është përcaktuar bazuar në nenin 77 “Kërkesat për kualifikim”, pika 4 të Ligjit Nr. 162, datë 23.12.2020 “Për prokurimin publik” të ndryshuar dhe Nenit 41 “Kërkesa të veçanta për kontratat e shërbimeve”, pika 3, të VKM Nr. 285, datë 19.05.2021 “Për miratimin e Rregullave të Prokurimit Publik”, të ndryshuar ku përcaktohet se: “Për të provuar përvojën e mëparshme, autoriteti/enti kontraktor kërkon dëshmi për realizimin me sukses të një ose disa kontratave për shërbimet e mëparshme, të ngjashme, të kryera gjatë tre vjetëve të fundit. Në çdo rast, vlera e kërkuar duhet të jetë në një vlerë jo më të madhe se 40% të vlerës së përlllogaritur të kontratës që prokurohet dhe që është realizuar gjatë tre vjetëve të fundit, nga data e shpalljes së njoftimit të kontratës”.

Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që furnizimet e mëparshme të ngjashme të jenë në vlerën jo më pak se 20% e fondit limit. Kjo vlerë është vendosur duke marrë parasysh përcaktimet e bëra në nenin 41, pika 3 të VKM nr 285 dt 19.05.2021 për “Për miratimin e rregullave të prokurimit publik” (i ndryshuar). Përçindja e kërkuar është konsideruar e nevojshme për të provuar besueshmërinë dhe përvojën e operatorëve ekonomik ofertues, si dhe aftësinë e tyre në ofrimin e mallrave të ngjashëm me objektin e prokurimit për realizimin me sukses të kontratës.

2.3.2 Operatori duhet të disponojë minimalisht 5 automjete, që transportojnë mbetjet spitalore, sipas specifikimeve teknike dhe termave të referencës, të shërbimit objekt prokurimi.

Për të vërtetuar përmbushjen e këtij kriteri operatori ekonomik duhet të disponojë dhe të paraqesin dokumentet e mëposhtme provuese:

- dokumentacion për mjetin në pronësi, ose me qera, ose me huapërdorje (fatura blerje / dokumente zhdoganimi / kontrata qiraje / kontrata huapërdorje / kontratë dhurimi / çdo dokument tjetër me anë të të cilit fitohet e drejta e pronësisë ose përdorimit sipas Kodit Civil të Republikës së Shqipërisë).
- Leja e qarkullimit të mjetit, Akt – kolaudimi, Polica e sigurimit të detyrueshëm të mjeteve motorrike për automjetet së bashku me Akt -Miratimet Higjenosanitare, Foto të mjeteve ku të duket qartë targa dhe sinjalistika përkatëse.

Ky Kriter konsiderohet i përmbushur me plotësimin e formularit sipas shtojcës 10 të DT. Dokumentet provuese të kërkuara më sipër, do të paraqiten nga ofertuesi i kualifikuar i pari, përpara publikimit të njoftimit të fituesit dhe nisjes së afateve të ankimit ose nëse kërkohen sqarime nga Autoriteti Kontraktor.

Argumentimi: Ky kriter vendoset në përputhje me pikës 4, të nenit të 77 të Ligjit Nr. 162, datë 23.12.2020 “Për prokurimin publik” i ndryshuar dhe pika 4/ç e nenit 41 të VKM nr. 285, datë 19.05.2021 “Për miratimin e Rregullave të Prokurimit Publik” i ndryshuar.

Duke marrë në konsideratë faktin se shërbimi objekt i kësaj procedure prokurimi parashikon ndër elementet e tij edhe transportin nga AK në ambientet e trajtimit të operatorit ekonomik, si dhe te

produkti final nga ambientet e operatorit drejt landfillit, me anë të këtij kriteri kërkohet që operatorët ekonomikë të dëshmojnë që kanë në dispozicion apo që mund t'u vihen në dispozicion mjetet e nevojshme për të përmbushur kontratën me qëllim ekzekutimin e objektit të prokurimit.

Numri i kërkuar i mjeteve është minimal, me qëllim që transporti i konteniereve të kryhet në mënyrë që të sigurohet integriteti dhe pastërtia e tyre, në përputhje me rregullat e higjienës dhe sigurisë, duke qenë se në specifikimet teknike dhe termat e referencës është e përcaktuar se duhet të sigurohet grumbullimi i konteniereve me mbetje në pikat e përkohshme të magazinimit të autoriteteve shëndetësore si dhe transportin e tyre në impiantin e trajtimit me mjetet e posaçme të transportit.

Disponueshmëria e një numri të mjaftueshëm automjesh , 5 (pesë) automjete, garanton kryerjen e shërbimit brenda afateve të përcaktuara, shmangien e vonesave në tërheqjen e mbetjeve, ruajtjen e kushteve të sigurisë biologjike dhe higjieno-sanitare, si dhe minimizimin e rrezikut për shëndetin publik dhe mjedisin.

Kërkesa për paraqitjen e dokumentacionit që provon pronësinë ose të drejtën e përdorimit të mjeteve, si dhe të lejeve të qarkullimit, akt-kolaudit, policave të sigurimit, akt-miratimeve higjieno-sanitare dhe fotografive identifikuese, synon t'i japë Autoritetit Kontraktor garanci se mjetet e deklaruara janë realisht në dispozicion të operatorit ekonomik, janë të autorizuar për transportin e mbetjeve spitalore dhe plotësojnë kushtet teknike dhe ligjore për realizimin e sigurt të kontratës.

Ky kriter është i lidhur drejtpërdrejt me objektin e prokurimit, proporcional me natyrën dhe përmasat e shërbimit dhe i domosdoshëm për garantimin e ekzekutimit të suksesshëm të kontratës.

2.3.3 Operatorët ekonomikë duhet të kenë të punësuar, 11 (njëmbëdhjetë) punonjës të punësuar për realizimin e kontratës/ava që do të lidhen në zbatim të marrëveshjes kuadër, si më poshtë:

- 1 (një) punonjës Përgjegjës shërbimi
- 5 (pese) punonjës shofer
- 2 (dy) punonjës shërbimi (ngarkim/ shkarkim)
- 3 (tre) punonjës për operimin e impianteve dhe makinerive

Për punonjësit e kërkuar me lart, duhet të paraqiten dokumentat:

a. Për Përgjegjësin e Shërbimit:

Përgjegjësi i shërbimit duhet të jetë Inxhinier Mjedisi/Ekspert Mjedisi dhe për këtë punonjës duhet të paraqitet:

- Diplomë me profesion Inxhinier Mjedisi/dhe/ose Certifikatë “Për Vlerësimin e ndikimit në mjedis dhe auditim mjedisor”;
- Kontratë pune (e vlefshme), si Përgjegjës shërbimi;
- formularin E-sig i listëpagesave për muajin e fundit

b. Për punonjësit shofer

- Kontratë pune përkatëse, (e vlefshme)
- Leje Drejtimi

c. Për punonjësit e shërbimit (ngarkim/shkarkim) dhe punonjësit për operimin e impianteve dhe makinerive të paraqitet:

- Kontratë pune përkatëse, (e vlefshme)

Argumentimi: Bazuar në pikën 4, të nenit 77, të Ligjit nr.162/2020, “Për prokurimin publik” i ndryshuar dhe pikave 4/b dhe 4/c të nenit 41 të VKM nr. 285, datë 19.05.2021 “Për miratimin e Rregullave të Prokurimit Publik” i ndryshuar, me anë të këtij kriteri kërkohet që operatorët ekonomikë të dëshmojnë që kanë fuqinë punëtore të nevojshme për ekzekutimin e objektit të prokurimit, pra që kanë në dispozicion për përmbushjen e kësaj kontrate.

Kriteri për punonjësit vendoset nga një analizë e specifikimeve teknike, termave të referencës, proceset e realizimit të shërbimit objekt prokurimi.

Përgjegjësi i shërbimit nevojitet për organizimin, drejtimin, ndarjen dhe mbikëqyrjen e proceseve të shërbimit, si dhe përgjigjet për zbatimin e të gjitha detyrave dhe fazave të shërbimit, në përputhje me specifikimet teknike, termat e referencës, rregullat dhe standartet ligjore të zbatueshme në fuqi. Profili i kërkuar për përgjegjësin e shërbimit lidhet me faktin se një inxhinier mjedis/ekspert mjedisi ka ekspertizën e duhur për të analizuar ndikimet e ndryshme që mund të sjellë trajtimi i mbetjeve të rrezikshme në mjedis, duke përfshirë ndotjen e ajrit, ujit dhe tokës. Inxhinieri i mjedisit luan një rol kryesor në implementimin e standarteve mjedisore, monitorimin e emetimeve dhe kontrollit të ndotjes, si dhe në planifikimin e mergjencave mjedisore që mund të ndodhin.

Nisur nga analizimi i specifikimeve teknike dhe termave të referencës, si dhe duke vlerësuar se ndër proceset e punës është edhe grumbullimi i kontenierëve me mbetje në pikat e përkohshme të magazinimit të autoriteteve shëndetësore, ngarkimin dhe shkarkimin e koshave/kontenierëve në dhe nga makina e grumbullimit janë kërkuar punëtorët ndihmës dhe punëtorët për operimin e impianteve dhe makinerive që do të përdoren.

Numri i punonjësve është minimal dhe vlerësuar i tillë në përputhje me proceset e punës dhe detyrat që do të kryhen, në përputhje me specifikimet teknike dhe termat e referencës.

Dokumentacioni i kërkuar për punonjësit shërben si provë/dëshmi për plotësimin e këtij kriteri.

2.3.4. Operatori duhet të ketë në pronësi ose me qera/përdorim, apo nëpërmjet çdo mënyre posedimi të njohur nga ligji, impiant/e, makineritë e mëposhtme që të mundësojë trajtimin e të gjitha kategorive të mbetjeve objekt prokurimi, sipas Ligjit Nr.57/2025 “Për menaxhimin e integruar të mbetjeve”, si dhe Vkm Nr.232 datë 01.04.2026 Për Miratimin e kërkesave, procedurave dhe standardeve për Menaxhimin e Mbetjeve Spitalore si dhe makineri për larjen dhe dezinfektimin e kontenierëve të ripërdorshëm, si më poshtë:

- a. Impiant primar për trajtimin me sterilizim (nje nga teknologjite e lejuara ne VKM Nr.232 datë 01.04.2026 Për Miratimin e kërkesave, procedurave dhe standardeve për Menaxhimin e Mbetjeve Spitalore) dhe 1 (nje) impiant back up me të njëjtën metodë.
- b. Makineri primare për larjen e kontenierëve dhe 1 (nje) makineri larese back up me të njëjtën metodë.

Për të vërtetuar përmbushjen e këtij kriteri operatori ekonomik duhet të disponojë dokumentet e mëposhtme provuese:

- a. Dokumentacionin për vërtetimin e pronësisë, huapërdorjes ose të marrjes me qera të pajisjes (ku afati i marrjes me qera/përdorimit të jetë minimalisht me afatin e ekzekutimit të këtij objekti prokurimi);
- b. Të jenë të pasqyruar në akt miratimet e lëshuara nga Ministria e Turizmit dhe Mjedisit të paraqitura në përmbushje të kriterit 2.1.1 dhe 2.1.2 më sipër;
- c. Katalog ose skede teknike ose çdo dokument tjetër teknik i secilit impiant dhe makinerisë;
- d. Deklaratë Konformiteti CE i secilit impiant dhe makinerisë.

Shënim: Kriteri konsiderohet i përmbushur me paraqitjen e te dhënave konkrete për secilën pajisje (përfshirë edhe ato back up), nëpërmjet formularit të vetëdeklarimit sipas shtojcës 10 të DST, duke përfshirë të dhënat si vijon: emërtimi i impiantit / përcaktimi si primar apo back up / modeli / rrymat e mbetjeve që trajton dhe/ose asgjeson / Leja dhe Licenca përkatëse ku janë të përfshirë (nga ato të paraqitura në përmbushje të kriterit 2.1.1 dhe 2.1.2 më sipër.

Dokumentet provuese të kërkuara më sipër, do të paraqiten nga ofertuesi i kualifikuar i pari, përpara publikimit të njoftimit të fituesit dhe nisjes së afateve të ankimit, ose nëse kërkohen sqarime nga Autoriteti Kontraktor.

Argumentimi: Në bazë të pikës 4, të nenit të 77, të ligjit nr.162/2020 “Për prokurimin publik” dhe nenit 41, pika 4/ç, të VKM nr.285, datë 19.05.2021 “Për miratimin e Rregullave të Prokurimit Publik” i ndryshuar, me anë të këtij kriteri kërkohet që operatorët ekonomikë të dëshmojnë që kanë në dispozicion apo që mund t’i vihen në dispozicion pajisjet teknike për të përmbushur kontratën, të nevojshme për ekzekutimin e objektit të prokurimit.

Në bazë të Ligjit Nr. 57/2025 “Për menaxhimin e integruar të mbetjeve”, Ligjit nr.10431, datë 09.06.2011, “Për mbrojtjen e mjedisit”, i ndryshuar, Vkm Nr.232 datë 01.04.2026 Për Miratimin e kërkesave, procedurave dhe standardeve për Menaxhimin e Mbetjeve Spitalore’, VKM Nr.402, datë 30.06.2021, “Për miratimin e katalogut të mbetjeve” i ndryshuar, impiantet për realizimin e trajtimit të kategorive të caktuara të mbetjeve spitalore, janë pajisjet baze për realizimin me sukses të këtij shërbimi.

Pasqyrimi në akt miratimet e lëshuara nga Ministria e Mjedisit të paraqitura në përmbushje të kriterit 2.1.1 vërtetojnë se këto pajisje janë të licencuara për realizimin e procesit të trajtimit të mbetjeve nga organi kompetent. Ky certifikim është detyrim ligjor për të gjitha pajisjet të cilat kryejnë këto lloj procesesh në territorin e RSH dhe jo për pronarin apo personin e trete, ndaj kërkesa është e domosdoshme për ushtrimin e aktivitetit në fjalë. Fokusi i kësaj kërkesë është tek impianti dhe jo tek personat e trete të cilët japin me qera apo huapërdorje.

Katalog ose skede teknike ose çdo dokument tjetër teknik i secilit impiant dhe makinerisë, si dhe Deklaratë Konformiteti CE i secilit impiant dhe makinerisë provon përputhshmërinë e tyre me specififikimet teknike të kërkuara.

2.3.5 Operatori ekonomik duhet të disponojë dhe të paraqesë: kontratë të lidhur me një subjekt të lejuar nga AKM për depozitimin e produktit final që del nga asgjesimi/trajtimi, e cila duhet të jete aktive dhe e vlefshme në momentin e hapjes së ofertave. Subjekti në fjalë duhet të jetë i autorizuar në Lejen Mjedisore përkatëse për të pranuar produktin final që del nga procesi i trajtimit me teknologjinë pa djegie me kodin 19 03.

Argumentimi: Në bazë të pikës 4, të nenit të 77, të ligjit nr. nr. 162/2020, “Për prokurimin publik” i ndryshuar dhe nenit 41, pika 4/ç, të VKM nr.285, datë 19.05.2021 “Për miratimin e Rregullave të Prokurimit Publik” i ndryshuar, në VKM Nr.402, datë 30.06.2021 “Për miratimin e katalogut të mbetjeve”, si dhe duke qene se në baze të Vkm 232 Datë 01.04.2026 Për Miratimin e kërkesave, procedurave dhe standardeve për Menaxhimin e Mbetjeve Spitalore”, strukturat spitalore si krijues të mbetjeve janë përgjegjës deri në hallkën e fundit të asgjesimit të mbetjeve spitalore që krijojnë, AK kërkon që operatori ekonomik duhet të paraqesë kontratë të lidhur me subjekt të autorizuar sipas ligjit për depozitimin e produktit final respektiv që del nga proceset e trajtimit/asgjesimit, e cila duhet të jete aktive dhe e vlefshme në momentin e hapjes së ofertave dhe në vazhdimësi të kësaj marrëveshje deri në përfundim të kontratës së realizimit të kontratës.

Këto dokumente kërkohen me qëllim realizimin me sukses të asgjesimit final të mbetjeve si element mjaft i rëndësishëm i procesit ku dokumentohet që OE është në këtë fushë aktiviteti dhe e kryen këtë lloj shërbimi.

2.3.6 Operatori duhet të paraqesë **për kontenitorë** sipas standardeve dhe kërkesave të Specifikimeve Teknike dhe Termave të Referencës:

- Katalog ose skede teknike,
- Vetëdeklarim për certifikim dhe aprovim të tipit të ambalazhit për secilin lloj kontenitori (i ripërdorshëm ose njëpërdorimësh) referuar VKM Nr.232 datë 01.04.2026 Për Miratimin e

Kërkesave, Procedurave dhe Standardeve për Menaxhimin e Mbetjeve Spitalore.

Argumentimi: Në bazë të pikës 4, të nenit të 77, të ligjit nr. nr. 162/2020, “Për prokurimin publik” i ndryshuar dhe pikës 4/ç nenit 41, të VKM nr. 285, datë 19.05.2021 “Për miratimin e Rregullave të Prokurimit Publik” i ndryshuar, me anë të këtij kriteri kërkohet që operatorët ekonomikë të dëshmojnë që kanë në dispozicion mjetet dhe pajisjet për të përmbushur kontratën, të nevojshme për ekzekutimin e objektit të prokurimit. Në bazë të Ligjit Nr. 57/2025 “Për menaxhimin e integruar të mbetjeve”, Ligjit nr.10431, datë 09.06.2011, “Për mbrojtjen e mjedisit”, i ndryshuar, Vkm Nr.232 datë 01.04.2026 Për Miratimin e kërkesave, procedurave dhe standardeve për Menaxhimin e Mbetjeve Spitalore”, VKM Nr.402, datë 30.06.2021, “Për miratimin e katalogut të mbetjeve”, i ndryshuar kontenitorët e mbetjeve spitalore janë elemente të domosdoshëm në proceset e menaxhimit të evadimit të mbetjeve spitalore si për mbledhjen, izolimin, grumbullimin, dhe transportimin e tyre.

2.3.7 Operatori ekonomik ofertues duhet të dëshmojë dhe të paraqesë çertifikatë (të vlefshme dhe në përputhje me objektin e prokurimit), si më poshtë:

- SSH UNI DIN EN ISO 14001 “Sisteme të menaxhimit të mjedisit” ose ekuivalente/të barazvlefshme;
- SSH UNI DIN EN ISO 9001 “Sisteme të menaxhimit të cilësisë” ose ekuivalente/të barazvlefshme;
- SSH UNI DIN EN ISO 45001 “Sistemet e menaxhimit të shëndetit dhe sigurisë në punë” ose ekuivalente/të barazvlefshme.
- SSH UNI DIN EN ISO 39001 “Sistemin e menaxhimit të sigurisë rrugore dhe trafikut”

Çertifikatat përkatëse, duhet të jenë të lëshuara nga organet e vlerësimit të konformitetit, të akredituar nga Drejtoria e Përgjithshme e Akreditimit ose organizma ndërkombëtare akreditues të njohur nga Republika e Shqipërisë, dhe të vlefshme në kohën e zhvillimit të tenderit.

Argumentimi: Kërkesa e mësipërme bazohet në nenin 77, pika 1/a), nenin 79 të LPP, nenit 44 të VKM nr. 285, datë 19.05.2021 “Për miratimin e rregullave të prokurimit publik”, i ndryshuar.

-Standarti 9001 “Sistemi i menaxhimit të cilësisë” – Ky standard është i nevojshëm pasi siguron se operatori ekonomik ka një sistem të strukturuar menaxhimi për cilësinë e vazhdueshme të shërbimit objekt prokurimi. Pajisja me këtë standart garanton që proceset e realizimit të shërbimit do të kryhen në mënyrë të kontrolluar, të dokumentuar, duke minimizuar gabimet/neglizhencat gjatë trajtimit dhe asgjësimit të mbetjeve.

-Standarti 14001 mbi “Sistemet e menaxhimit të mjedisit” – është vendosur si kriter duke marrë në konsideratë faktin që ky Standardi është një sistem sistematik dhe i orientuar drejt procesit të menaxhimit të cilësisë për të kontrolluar impaktet e rëndësishme të aktiviteteve të biznesit në mjedis, si dhe duke vlerësuar se objekti i prokurimit përfshin grumbullimin, trajtimin, transportimin, asgjësimin e mbetjeve spitalore. Pajisja e operatorit ekonomik me këtë standart është një tregues se ofertuesi është i aftë të identifikojë, kontrollojë dhe minimizojë ndikimin e tij në mjedis gjatë realizimit të shërbimeve objekt prokurimi.

-Standarti 45001 mbi “Sistemet e menaxhimit të shëndetit dhe sigurisë në punë” është vendosur si kriter me qëllim që AK të sigurohet që ofertuesi kryen shërbimin në përputhje me standartet e kërkuara sa i takon shëndetit dhe sigurisë në punë. Është një tregues që operatori mbron punonjësit nga rreziqet biologjike, kimike dhe fizike që lidhen me trajtimin e mbetjeve të rrezikshme, si dhe siguron trajnime, pajisje mbrojtëse, protokolle sigurie dhe masa prandaluese për aksidente që mund të ndodhin gjatë realizimit të shërbimeve.

2.3.8 Operatori ekonomik me anë të një deklaratë duhet të deklarojë se merr përsipër të peshojë Mbetjet e gjeneruara, të furnizojë me ambllazhe, kuti, qeskat, etj, si dhe çdo gjë tjetër sipas specifikimeve teknike.

Argumentimi: Në bazë të nenit të 77, të ligjit nr. nr. 162/2020, “Për prokurimin publik” i ndryshuar dhe pikës 4/ç nenit 41, të VKM nr. 285, datë 19.05.2021 “Për miratimin e Rregullave të Prokurimit Publik” i ndryshuar, me anë të këtij kriteri kërkohet që operatorët ekonomikë të deklarojnë se do të furnizojnë me materialet e kerkuara me lart si dhe cdo specifikim tjetër i kerkuar nga AK perfituese me qëllim zbatimin me sukses të kontratës pasi janë elemente të domosdoshëm në proceset e menaxhimit të mbetjeve spitalore.

2.3.9 Operatori ekonomik me anë të një deklaratë duhet të deklarojë se pas marrjes në dorëzim të mbetjeve, nga ambientet e AK, do të bëjë dezinfektimin e ambientit nga ku do të tërhiqen mbetjet e rrezikshme spitalore të kontaminuara.

Argumentimi: Në bazë të pikës 4, të nenit të 77, të ligjit nr. nr.162/2020, “Për prokurimin publik” dhe pikës 4/ç nenit 41, të VKM nr. 285, datë 19.05.2021 “Për miratimin e Rregullave të Prokurimit Publik” i ndryshuar, me anë të këtij kriteri kërkohet që operatorët ekonomikë të marrin përsipër të dizefektojnë ambientet pas procesit të largimit të mbetjeve për të minimizuar bakteret apo infeksionet që mund të shkaktohen nga to.

II. Argumentimi i specifikimeve teknike

Specifikimet teknike, termat e referencës për realizimin e shërbimit objekt prokurimi, përllogaritja e fondit limit janë përcjellë pranë OBP, të hartuara nga grupi i punës i caktuar nga titullari i autoritetit kontraktor, Për nevojat e së cilit, Operatori i Blerjeve të Përqëndruara, në cilësinë e Organit Qendror Blerës kryen procedurën e prokurimit, në zbatim të Ligjit nr.162/2020 “Për prokurimin publik”, i ndryshuar, VKM-në nr.531 datë 7.9.2023 “Për krijimin e shoqërisë aksionare shtetërore “Operatori i Blerjeve të Përqëndruara” Sh.a për kryerjen e procedurave të veçanta të prokurimit publik, në emër dhe për llogari të Kryeministrit, Ministrive dhe Institucioneve të Varësise”, i ndryshuar, ligjit Nr. 162/2020 “Për prokurimin publik”, ku neni 36 dhe nenet 77–79 parashikojnë që autoriteti kontraktor duhet të përcaktojë specifikime teknike dhe kriteret kualifikimi që sigurojnë realizimin e kontratës në përputhje me legjislacionin sektorial në fuqi, Vendimin e Këshillit të Ministrave nr. 285, datë 19.05.2021, nenet 39–44 parashikojnë që kriteret teknike dhe profesionale duhet të jenë të lidhura me objektin e kontratës dhe proporcionale me natyrën e saj dhe legjislacionin mjedisor dhe shëndetësor në fuqi, i cili detyron subjektet që gjenerojnë mbetje të rrezikshme t’i trajtojnë ato përmes operatorëve të licencuar dhe me leje mjedisore përkatëse.